

מיכה פרק ד	ישעיהו פרק ב
<p>(א) והיה באחרית הימים יהיה הר בית ה' נכון בראש ההרים ונשא הוא מגבעות ונהרו עליו עמים:</p> <p>(ב) והלכו גוים רבים ואמרו לכו ונעלה אל הר ה' ואל בית אלהי יעקב ויורנו מדרכיו ונלכה בארחתיו כי מציון תצא תורה ודבר ה' מירושלם:</p> <p>(ג) ושפט בין עמים רבים והוכיח לגוים עצמים עד רחוק וכתתו חרבתיהם לאתים וחניתיהם למזמרות לא ישאו גוי אל גוי חרב ולא ילמדו עוד מלחמה:</p>	<p>(ב) והיה באחרית הימים נכון יהיה הר בית ה' בראש ההרים ונשא מגבעות ונהרו אליו כל הגוים:</p> <p>(ג) והלכו עמים רבים ואמרו לכו ונעלה אל הר ה' אל בית אלהי יעקב ויורנו מדרכיו ונלכה בארחתיו כי מציון תצא תורה ודבר ה' מירושלם:</p> <p>(ד) ושפט בין הגוים והוכיח לעמים רבים וכתתו חרבותם לאתים וחניתותיהם למזמרות לא ישא גוי אל גוי חרב ולא ילמדו עוד מלחמה: פ</p> <p>(ה) בית יעקב לכו ונלכה באור ה':</p>

ישעיהו פרק ה

(יג) **לכן גלה עמי מבלי דעת** וכבודו מתי רעב והמונו צחה צמא:

(יד) **לכן הרחיבה שאול נפשה** ופערה פיה לבלי חק וירד הדרה והמונה ושאוה ועלו בה:

(טו) **וישח אדם וישפל איש ועיני גבהים תשפלנה:**

(כ) **הוי האמרים לרע טוב ולטוב רע שמים חשך לאור ואור לחשך שמים מר למתוק ומתוק למר:** ס

(כא) הוי חכמים בעיניהם ונגד פניהם נבנים:

(כב) הוי גבורים לשתות יין ואנשי חיל למסך שכר:

(כג) מצדיקי רשע עקב שחז וצדקת צדיקים יסירו ממנו: ס

(כה) על כן חרה אף ה' בעמו ויט ידו עליו ויכהו וירגזו ההרים ותהי נבלתם כסוזה בקרב חוצות **בכל זאת לא שב אפו ועוד ידו נטויה:**

ישעיהו פרק ז

(י) ויוסף ה' דבר אל אחז לאמר:

(יא) **שאל לך אות מעם ה' אלהיך העמק שאלה או הגבה למעלה:**

(יב) ויאמר אחז **לא אשאל ולא אנסה את ה':**

(יג) ויאמר שמעו נא בית דוד **המעט מכם הלאות אנשים כי תלאו גם את אלהי:**

(יד) **לכן יתן אדני הוא לכם אות הנה העלמה הרה וילדת בן וקראת שמו עמנו אל:**

(טו) **חמאה ודבש יאכל לדעתו מאוס ברע ובחור בטוב:**

(טז) כי בטרם ידע הנער **מאס ברע ובחר בטוב** תעזב האדמה אשר אתה קץ מפני שני מלכיה:

במדבר (פרק טז)

(ל) ואם בריאה יברא ה' **ופצתה האדמה את פיה** ובלעה אתם ואת כל אשר להם וירדו חיים שאלה וידעתם כי נאצו האנשים האלה את ה':

במדבר פרק כו

(י) ותפתח הארץ את פיה ותבלע אתם ואת קרח במות העדה באכל האש את חמשים ומאתים איש ויהיו **לנס:**

במדבר פרק כא	שמות פרק ד
<p>(ח) ויאמר ה' אל משה עשה לך שרף ושים אתו על נס והיה כל הנשוך וראה אתו וחי:</p> <p>(ט) ויעש משה נחש נחשת וישמהו על הנס והיה אם נשך הנחש את איש והביט אל נחש הנחשת וחי</p>	<p>(א) ויען משה ויאמר והן לא יאמינו לי ולא ישמעו בקלי כי יאמרו לא נראה אליך ה':</p> <p>(ב) ויאמר אליו ה' מה זה בידך ויאמר מטה:</p> <p>(ג) ויאמר השליכהו ארצה וישליכהו ארצה ויהי נחש וינס משה מפניו:</p> <p>(ד) ויאמר ה' אל משה שלח ידך ואחז בזנבו וישלח ידו ויחזק בו ויהי למטה בכפו:</p> <p>(ה) למען יאמינו כי נראה אליך ה' אלהי אבתם אלהי אברהם אלהי יצחק ואלהי יעקב:</p>

מדרש לקח טוב

... כדרך שפצתה בימי קין והבל ...

דברים פרק לב

(כ) ויאמר אסתירה פני מהם אראה מה אחריתם כי דור תהפכת המה בנים לא אמן במ:

(כא) הם קנאוני בלא אל כעסוני בהבליהם ואני אקניאם בלא עם בגוי נבל אכעיסם:

ישעיהו פרק ח

- (א) ויאמר ה' אלי קח לך גליון גדול וכתב עליו **בחרט אנוש למהר שלל חש בז:**
(ב) ואעידה לי עדים נאמנים את אוריה הכהן ואת זכריהו בן יברכיהו:
(ג) **ואקרב אל הנביאה ותהר ותלד בן ויאמר ה' אלי קרא שמו מהר שלל חש בז:**
(ד) כי בטרם ידע הנער קרא אבי ואמי ישא את חיל דמשק ואת שלל שמרון לפני מלך אשור: ס
(ה) עצו עצה ותפר דברו ולא יקום כי **עמנו אל:** ס
(ו) צור תעודה **חתום תורה בלמדי:**
(ז) וחכיתי לה' **המסתיר פניו מבית יעקב** וקויתי לו:
(ח) **הנה אנכי והילדים אשר נתן לי ה'** לאתות ולמופתים בישראל מעם ה' צבאות השכן בהר ציון: ס

ישעיהו פרק ט

- (א) **העם ההלכים בחשך ראו אור גדול יושבי בארץ צלמות אור נגה עליהם:**
(ב) על כן על בחריו לא ישמח אדני ואת יתמיו ואת אלמנתיו לא ירחם כי כלו חנף ומרע וכל פה דבר נבלה בכל זאת לא שב אפו ועוד ידו נטויה:

- (ג) מנשה את אפרים ואפרים את מנשה יחדו המה על יהודה **בכל זאת לא שב אפו ועוד ידו נטויה:** ס

ישעיהו פרק י

- (ד) בלתי כרע תחת אסיר ותחת הרוגים יפלו **בכל זאת לא שב אפו ועוד ידו נטויה:** ס

ישעיהו פרק יא

- (א) ויצא חטר מגזע ישי ונצר משרשיו יפרה:
(ב) ונחה עליו רוח ה' רוח חכמה ובינה רוח עצה וגבורה **רוח דעת ויראת ה':**
(ג) והריחו ביראת ה' **ולא למראה עיניו ישפוט ולא למשמע אזניו יוכיח:**
(ד) לא ירעו ולא ישחיתו בכל הר קדשי **כי מלאה הארץ דעה את ה' כמים לים מכסים:** פ
(ה) והיה ביום ההוא יוסיף אדני **שנית ידו לקנות את שאר עמו** אשר ישאר מאשור וממצרים ומפתרוס ומכוש ומעילם ומשנער ומחמת ומאיי הים:
(ו) **והחרים ה' את לשון ים מצרים והניף ידו על הנהר בעים רוחו והכהו לשבעה נחלים** והדריך בנעלים:
(ז) **והיתה מסלה לשאר עמו אשר ישאר מאשור כאשר היתה לישראל ביום עלתו מארץ מצרים:**

ישעיהו פרק יב

- (א) ואמרת ביום ההוא אודך ה' כי אנפת בי **ישב אפך ותנחמני:**
(ב) הנה אל ישועתי אבטח ולא אפחד כי עזי וזמרת יה ה' **ויהי לי לישועה:**
(ג) ושאתם מים בששון ממעיני הישועה:
(ד) ואמרתם ביום ההוא הודו לה' **קראו בשמו הודיעו בעמים עלילתיו הזכירו כי נשגב שמו:**
(ה) זמרו ה' כי גאות עשה מידעת מודעת זאת בכל הארץ:
(ו) צהלי ורני יושבת ציון כי גדול בקרבך קדוש ישראל: פ

מיכה פרק ז

- (ח) אל תשמחי איבתי לי **כי נפלתי קמתי כי אשב בחשך ה' אור לי:** ס
(ט) זעף ה' אשא כי חטאתי לו עד אשר יריב ריבי ועשה משפטי **יוציאני לאור** אראה בצדקתו:
(י) **כימי צאתך מארץ מצרים אראנו נפלאות:**
(יא) יראו גוים ויבשו מכל גבורתם **ישימו יד על פה אזניהם תחרשנה:**
(יב) ילחכו עפר כנחש כזחלי ארץ ירגזו ממסגרתיהם אל ה' **אלהינו יפחדו ויראו ממך:**
(יג) מי אל כמוך **נשא עון ועבר על פשע לשארית נחלתו לא החזיק לעד אפו כי חפץ חסד הוא:**
(יד) ישוב ירחמנו **יכבש עונותינו ותשליך במצלות ים כל חטאותם:**
(טו) תתן אמת **ליעקב חסד לאברהם אשר נשבעת לאבתינו מימי קדם:**